



Watson Goodman gaxh o wacho-rame

Watson Goodman gaxh
o wacho-rame

Gri kayita iño ga bare kemé o vérsé ode ke rénde an damate ger Bibel. Agéna bébete ibate fo ke rédjande bari o bébete ode bon.

Edjane éde Kaxhanu ga youwek djañ, do bete bon ke rechand oñ-kore béla bere séle kebi o xhwér-kwérane. Ande keño shéna alane, éxho tébe bén yiñenaxh béñ, do éño kara a Sedjale Jésus éxho djowe gré mekwe édéxhem, do éxho ma gé mekwe dék mené a Sedjale Jésus Krist gaxh a féxhenane, awa naño ko wasinaya a Sedjalane gern déxhem do éño ile a neñga do kéte-xhéta iréxhem gré mekwe. Ako baxhé weno lode be niye ofexho-cho, bete a mé tébéna xhali doro, a mara a neñgaxh ga Sedjalane. Wedji fana ga kemi xharande édje ilaya gern déxhem ger gako, añgemené ayi déxhe-na péré. —Watson Goodman gaxh o wacho-rame

É ÑANE ÉDE KAXHANU

1

Bari Kaxhanu ga wasine kebo é ñane édéxhem, gayik nande bayi bami be xhéyaxh, Krist ga shesse ko fañgi-rébi. —Romé 5:8

Namana é ñatou fête ire Pakine, Jésus ga nañge baxho mené aneka anteke amede ande ko shane griñ gwen, éxho téñgeta ger Seme, bete bon ane babi béla bere réxhem greñ gwen, ga wasine kebi dék éñane édéxhem. —Jean 13:1

E ñane a géna ire xhouchake é ñane éde ke ilayande a niyan an déxhem fir be shandawe. —Jean 15:13

Do ger bébete ire Jésus Krist, aréxh sédé i yékaxh, are rowe

keno a yanarane gré chesse, do gé moun énde o moun gré bare. Ger are ane kebo, do gare rexheten kebo bén yiñenaxh go shate oréxhem. —Apokalipse 1:5

Gayike Kaxhanu go ane baxho iñgwenine, ga ile babo itoxh imate in déxhem, meñ ke iye, are ke wa én déxhem, a xho némi-na din, bari éxho chote a niyane ande pakech. —Jean 3:16

Are a ñanende-na a xho nañgé-na énde Kaxhanu Gayik Kaxhanu añana-xho. E ñane éde Kaxhanu ga wasinaya baxh nande lawenéli baño Itoxh in déxhem greñ gwen fir mi chote a niyanañ gern déxhem. —1 Jean 4:8, 9

Gé ñembetender keme, bën dédje bénde Kaxhanu bé teme gaxh: are wasinaya baxh gré mane, are wene baxh gron Dén, are wate keno o méléka, are sefetera bano ger be payéñ, are wa keno ger ñgwen, are féla keno gro neñga. —1 Timotée 3:16

Gré nyanare ébaxh édjanél, bete édjanél ébaxh ger Kaxhanu, fana édjan ébaxh Kaxhanu. Do édjanél ga ri bano gé manéñ, bete ga wouré ko gern débi, go yékaxh ode mbañ do génde daléñ; ga wate kemi o yékaxh odéxhem, o yékaxh oño ga ibaxh gwer de o yékaxh onde Itohx imate inde fédawe baxh ger Faba. —Jean 1:1 do 14

Dék beño ke djowe fir é gixhaya ére rébaxho Kaxhanu ger leñgwe: En denawe é menek ke i gé gende, a ta keño rowe itoxh i shane, bete a ta keño wache Emanuwél, ére ke rénde Kaxhanu ge bi éxho.

—Matieü 1:22, 23

Weno ge Faba amate émi.

—Jean 10:30

Jésus féle keño: Bon ga nekake lode i kemé ge wene, do bari a djé nañgéna, Phillip. Are wate ké aneka wate keño Faba; aké ki rénde, masine le bo Faba? Ba ayi maxhena mené ger Faba mé, do bete Faba gern dame éxho?

—Jean 14:9, 10a

JÉSUS GAXH ITOXH INDE KAXHANU

3

Djowe keni keni xhéyi-nande, iné mi gern dédje, wedji Itohx inde Kaxhanu? Ba djowe kedje éyi bo torane namana é ñatou a mede an débi? —Matieu 8:29

Are ke ré mené Jésus deñ éxh Itohx inde Kaxhanu, Kaxhanu gern déxhem éxho, bete meñ ger Kaxhané-xho. —1 Jean 4:15

Méléka ga yaka ko: On Déno-Menekoñ ke djowe gern dédje, bete o djawe onde are éxh djañ a ta ki labe ga mole an déxhem. Meñ éxh itoxh i menek inde kedjo rowe a ta keno wache Itohx inde Kaxhanu. —Luke 1:35

Ande ébaxho édjane-na, ga fédawek a ñare inde ke yégende,

fele kebi. Do woule keni o niwe inde woulike ako: Itohx in daméxh, are ane kemo mbañ, baxheti-no. —Matieu 17:5

Jésus ga yaka ko: Aneka wate kedjo, do bete are ki édjanélinde ger gako, meñ exh. —Jean 9:37

Gayik gern déxhem gaxh dék bén dédje bende Kaxhanu ire éxh dale. —Kolosién 2:9

Are fitender baño Faba, do lawnéliwe keño neñ gwen ro, ga keno rénde are é niñgaxh. Gayike ére ré ba mé, mené: Itohx inde Kaxhanu ga mé. Añgemené a mé dinde-na bene dixheran bende Faba, krone mande-na én dame. —Jean 10:36, 37

Do féle kebi: wene, bere gede gan, weno are djañ émé; béla bere greñ gwen gan, weno a mé géna are iñgwenine. Jésus yaka kebi: Ende dale énde dale ke moun félede, namana ibaxho Abraxham aneka iba-mé. —Jean 8:23 do 58

A ta réko asoxharane: Ga nañge kemé mené a fo xho djowe a féxhenane, are keno wachende Krist, ande ko djowe meñ a ta ke bo féle dék. Jésus yaka ko: awa wnoxh, weno are ki édjanélinde. —Jean 4:25, 26

Ge né mé ger ñgwen, wnoxh añ gebén ande iñgwenine. —Jean 9:5

Jésus féle kebi: Wnoxh mbourou énde a niyan. Are ke

djowe gern dame axho gi na din gén djoñ, bete are ke wa gern dame año téle-na din. —Jean 6:35

Jésus féle kebi beté: Génde dale génde dale ke moun félede, wnoxh ébete éde o yéle. —Jean 10:7

Jésus ga réko: Wnoxh a ougetayane do ga niyanañ. Are ke wa nén dame a ta ko wouré, xhara a shesseke éxh. —Jean 11:25

Ga kené wachende Asedjale; bete shéné-néxh, gayike édjo deñ émé. —Jean 13:13

Jésus féle keño: Wnoxh é penyañ, do génde daléñ, ga niyanañ. Ala ñate-na ger Faba, añgemené agéna gern dame.

—Jean 14:6

Féle kebi bélaben éni nyepa gron desse, wéde kebi o xhane oxhi ge bém bourou bèn djo, nekona ko gande orene shalé ko. A ta oube ko bém bourou ile kebi be sefane bene, a ta shéte kene-bi bélaben. Bélaben dék ga djambe keni bete wéde keni, a ta wéda keni be kañgé époxh ge bexhi bende bayita baxh. Bere djambe baxh ga seke bani, be soshane o welo-cho, ane bi pene bana be soxhari ge be toxh bene.

—Matieu 14:19-21

Ande faye ko édjanél, ga réko ger Simon: Djéle gréd siwek ménoñ, do éyi dape é benél éyi bi tra o xhanol. Simon ga yaka ko: A

Sedjal ga laperá kemi wéche do yowéyi ami choté-na; bari gayik wedji réke, a ri kemé ri. Ga lape ko na a ta sera kebi o xhane ore bon do ke ilande é nexhéna o wene.

—Luke 5:4-6

Do be shiwek beki ga yepa bani béde ger fenya, keno sheninde éxho koucha Jésus. Ande woule keno ga xhéye keni: Asedjale itoxh inde David, kayinane léxhi én débi. Jésus... réko: Iné wa yardi koun moun din? Yaka keni: Asedjale mi wate do ge bañ gesse bañ. A ta xhayinane babi Jésus xhwetane babi a taxhan ger bañ gesse a ta fake keni, a ta sefe keno.

—Matieu 20:30 do 32b-34

JÉSUS KRIST RIKE DÉK

Gayik gern déxhem ri bani dék bé bere éxh gro rene do gré bare, bere keni watende do bende ani waten-dena, wala ba nyepara, wala bé moun, wala bon dén, wala bere go djawe, dék ga ri keni nén déxhem bete meñ deñ rike.

—Kolosién 1:16

Béyi bene dék, ge meñ ri bani, bete yéye a géna inde éxh inde a xho déxhena meñ.

—Jean 1:3

Awa nañgele éxheni gra chiwe ande Israël ayé, mené Kaxhanu ri keño a Sedjale do ge Krist Jésus ire fika keno.

—Akete 2:36

Kaxhanu . . . xhara ger ba kéye ba pélatare baño Kaxhanu ga kebo édjanéline nénde Itoxh in

déxhem, are ri keño ger leñgwe ire béyi dék, bete nén déxhem deñ ri baxho ébarél.

—Ebre 1:1b, 2

Gayik Krist ga shesse ko, do bete wouré ko, meñ kebi xhoucha bere ke wourénde do ge bere ke shessende.

—Romé 14:9

Kaxhanu ére din éxho, meñ are wache keñoun gra mara ande Itoxh in déxhem Jésus Krist a Sedjale arébane.

—1 Koréntién 1:9

Meñ éxh gro wachore Jésus o lekena dék ke foxhi gro rene, do gré bare do bete gede gré bare, a ta o niwe dék ke foutaya mené Jésus Krist deñ éxh a Sedjalane, fir o neñga ore Kaxhanu seme.

—Fillipién 2:10-11

JÉSUS KRIST KE XHITI DÉK

7

Do wedji, iné wa kedjo xhitinde i mayé? wala wedje, iné wa kedjo rixherande i mayé? Gayik bi dék a ta kemi fer ger leñgwe ire kiti ire Kaxhanu.

—Romé 14:10

Ga kemi félande ger leñgwe ire Kaxhanu do ge Jésus Krist, are kebi xhiti be shessek ge be beñgwe, gré masinaya édé xhem do go woune oréxhem.

—2 Timotée 4:1

Seme, a ño kitinde-na ala, bari ga xhwete ko kiti dék gro taxhane onde Itoxhine.

—Jean 5:22

Ande ko djowe Itoxh inde alane go méléka, a ta ko yepa gro neña oréxhem. Beñ gwen dék ke féder

na gern déxhem. A ta ke bi sana bedjo ge bedjo, ger ga ko rinde a xhadach, o neme go shane.

—Matieu 25:31, 32

Awa ako ke i yatidjo, ger ga rédjak ger édiane éde Kaxhanu, ire wa kemé weno, mené Kaxhanu a ta ko xhiti nénde Jésus Krist, ben dixherane bende béla ado bénde shonak.

—Romé 2:16

Na féle kebo Jésus meni pélerande béla mené Kaxhanu ri keño éxho gi a xhiti are be shessek do ge be beñgwe.

—Akete 10:42

... Weno xhwenek é mashale, weno kebi washa; do gare rébaxh: A Sedjalane a ta kebi xhiti béla beréxhem.

—Ebre 10:30

Wenoxh ébetél. Are ke lile gern dame a ta ko féxh; a ta ko lile bete a ta ko shane, bete a ta ko shote a mekenya a neñgaxh. —Jean 10:9

Jésus féle keño: Wenoxh é penyañ, do génde daléñ, ga niyanañ. Ala ñate-na ger Faba, añgemené agéna gern dame. —Jean 14:6

Meñ ke moun félende mené a ta kene shesse ger bén yiñenaxh bén déwen, gayike añgemené ane maxhena ére émé weno, a ta kene shesse ger bén yiñenaxh bén déwen. —Jean 8:24

Do ande xhanine baño gré menek, aneka iko ger dék béla bere ke wa, are ke welawende féxhanemé. —Ebre 5:9

Do ga keni i be yékaxh fir o neñga oréxhem, nénde é menenaya énde kemi shotende ger Jésus Krist. —Romé 3:24

Meñ fana ko xhore ébi péxhen béla bere ke sekawe ger Kaxhanu nén déxhem, gayik pakech ko bayi fir ébi dechande. —Ebre 7:25

Féxhanemé agéna gra shexhé; gayik gede gro rene, é mache é chexhén anebi ilé-na béla gréd keni féxh. —Akete 4:12

Gayik Kaxhanu a bo kwetenéna o xhoye, bari é chote éde féxhanemé gra Sedjal arébi Jésus Krist. —1 Téssalonisién 5:9

FÉXHANEMÉ GER KRIST FO

9

Nén déxhem émi ger Jésus Krist, nén déxhem ga rine kebo Kaxhanu o sitole, go yékaxh, gé pitenderél, ge féxhanemé.

—1 Koréntiën 1:30

Are ilayak fañgi-rébi fir ébo dexheten dék bèn yiñenaxh, do ébo di béla bere xhwene kebo meñ, be wenek bere kebi yandinde é déde bèn djékaxh.

—Tite 2:14

Chekwaino Sorixh, are ri koun ba chota bande bé bere ke djowende ger be leñgwe bere grañ gebénañ, are rexhete kebo gro djawe ode a chamedan, do welawe kebo gro woun ore Itohx inde

éñane édéxhem, gern déxhem shote kemi é menénaya, gé dexheten éde bèn yiñenaxh béñ.

—Kolosiën 1:12-14

Gayik Itohx inde Alane aneka djowe ko fir ébi chala do ébi péxhen béla bere nambera baxh.

—Luke 19:10

Do ga bani youwende é djikane é kashaxh, do keni rénde: Wedji yampek éyi kana a kayita, do éyi pert ba chokétaya; gayik aneka lawe bani, do ga féxhen bayibi nénde Kaxhanu, go shate o rédje, béla bere o neñge dék, bere édjane dék, bere béla dék, do ger beñ gwen dék.

—Apokalipse 5:9

Eño xhouchake ger gako, gayik aneka wenene kebo nénde o shate oréxhem, a ta kebo féxhen gro xhoye ore Kaxhanu. —Romé 5:9

Gern déxhem ga shote kemi é menenaya gro shate oréxhem, do gé tébane éde bèn yiñenaxh fir o bege ore o yékaxh odéxhem.

—Efésién 1:7

Chébine dék, gayik o shate ore raméxh. O shate ode a kéte-xhéte onde léxhi baxh fir béla, fir a kandjande bèn yiñenaxh.

—Matieu 26:28

Nañgine mené a géna ba ge bèn dēdje bēnde same rexheta-xhene koun ger fenya ire ébani sefende

sorixh bene, gañge kañé wala kodi, bari go shate ode Jésus Krist, gañg i féye i wenek, ga bouyare keme. —1 Pierre 1:18, 19

Bari ande kemi sefe añ gebén an débi, ger ga iko meñ fañ grañ gebén, aneka i kemi andamate bete o shate onde Jésus Krist kebo fexhwechayande dék bèn yiñenaxh béñ. —1 Jean 1:7

Bon xhouchak o shate onde Krist, are éxh gon Dénonde pakech, ga ilaya ko ger Kaxhanu ga bouyare keme, meñ xhouchak éxho kore éñoun menen oñ koréwen ger ben dixherane be chessek, meñ keno sefe Kaxhanu i beñgwe. —Ebre 9:14

Gayik aneka wenen kebo nénde é kwetane, aneka shote kemi a kéte-xhéta ge Kaxhanu, nénde a Sedjale arébi Jésus Krist.

—Romé 5:1

Gayik ger Krist, ado o xhach, wala are ano kaché-na, o féchak agéna, bari é kwetane foxh ire ke djowende gré ñanél. —Galate 5:6

Male gra Sedjale Jésus a ta kedje féxh, wedji do ge galé irédje.

—Akete 16:31b

Gayik ére rowe ko Kaxhanu aneka xhorek iñgwenine, bete é kore éde iñgwenine meñ éxh é kwetane. —1 Jean 5:4

Gayik fir o yékaxh féxh kene, nénde é kwetane bete éño a gibana én débi bari an djela ande Kaxhanéxh. A géna ba ge ben dixherane, kré xho bédjarana ala.

—Efésién 2:8, 9

Ga yaka keno: Iné yampek mi di, mi dinde bene dixherane bene Faba? Jésus yaka kebi: An diyén ande Kaxhanu, meñ éxh, éne mande grare lawnéli keño.

—Jean 6:28, 29

Bari béño ga yegwe bani fir éne ma mené Jésus gaxh Krist, Itoxh inde Kaxhanu, bete ande kene wa, a ta kene shote a niyan nénde o wachore réxhem. —Jean 20:31

É KAYINANE ÉDE KAXHANU

Chekwayino Kaxhanu seme ire a Sedjale arébi Jésus Krist, Seme ire o xhayinane, bete Kaxhanu ire kebo ifarande. —2 Koréntiën 1:3

Ga féxhen kebo, a géna ba fir bèn djékaxh bénde ébami rinde, bari fir é kayinane édéxhem ge xhobouyi iré é nembeta, do gé mashen éde on Dén-Menekoñ.

—Tite 3:5

Gayik itoxh inde alane ga djowe baxho ébi péxhen bere nambera baxh. Aké ila kene? Ala ébi chote o péyi kémé, do imate éxho nambera, a bi tébe-nandé o fexho choñgo-naxh go choñgo-naxh oko éño chala inde namberake. Bete ande keño wate, ga ke moun

félende a ta keño neñganera a xhoucha o neña ore shote baxho ger be péyi ofexho choñgo naxh go choñ go naxh. An damate éxh ge Sorixh ire éxh gro rene, año nyandéxhena ado amate éxho nambera ire be tile beño.

—Matieu 18:11-14

Aneka deñ i kemi be welaya fir Krist, nén débi keni woulende édiane éde Kaxhanu; ga ke moun xharande gro wachore Krist, bakaine ger Kaxhanu.

—2 Koréntiën 5:20

Tekawe-né go neña ger o neña oréxhem, meñ kenebo xhayinane, go yékaxh, do énebo decha gro chopá odébi.

—Ebre 4:16

A kéye a pélatare ire fète, Jésus ga xhani ko xhéye ko: Añgemené ala séle keño, djowel éxho gern dame, éxho chébe. —Jean 7:37

Jésus ande wate ko ga xhoye ko, a ta réko: Tébine-bi o bashol éni djowe gern dame, ké nebi chendene-na; gayik o woun onde Kaxhanu xhwene kebi bere wendinak ge bene. —Mark 10:14

Djowen gern dame, woune bere shopa koun bete bere sekwerake, a ta ke moun ile é téyita. —Matieu 11:28

Ande wéle baxh é chémarél ga lawen banebi béla fir énebi péle

bere fana babi: Djowen gayik aneka wélek dék. —Luke 14:17

Are féxhen kebo, bete, are betéliwe kebo gran diyén an djékaxh, agéna ba ga ri bami bén djékaxh, bari fir a pentane an déxhem, do go neña oréxhem, ire ile kebo nénde Jésus Krist namana ixhayak iñgwenine. —2 Timotée 1:9

Do on Dénoñ, do ga soxhari ga keni rénde: Djowe. Do are ke woule déle éxho: Djowe. Do are séle keño, djowel éxho; are yandi keño kala, kanale éxho ménonde a niyanañ, ga kandji keme. —Apokalipse 22:17

Ako kenebi nañgende o bashore Kaxhanu go bashore shabouchara. Are a dinde-na bèn djékaxh axho géna are Kaxhanu, bete fana are año ñané-na i chandawen.

—1 Jean 3:10

Gayik béla dék bere ke wourénde gon Dénonde Kaxhanu, aneka i keni be toxh bende Kaxhanu. Do bete ane choté-na on dénonde an djida ire éne gi o xhadepé; bari aneka shote kene on dénonde éne gi be toxh, meñ kene xhéye, faba.

—Romé 8:14, 15

Meñ kene i be wenek bere gé tonye keme, be toxh bende Kaxhanu, bere gé tonyé keme

xhara merexhande ger iñgwen i nyiñenaxh gi xhéyaxh, gern dében kene yégerande gwer de bé male greñ gwen.

—Fillipién 2:15

Meñ éxh chanine gern dében. Giyine pite, ako réko a Sedjalane. Krone deke-na ére yiñenek, bete a xhana ke moun xhana. Seme iréwen kemé i, bete be toxh be chane ge be toxhari ben dame kene i. Ako réko a Sedjale are go djawe dék.

—2 Koréntién 6:17, 18

Bari ger béla bere wake én déxhem, ger bere ilake énde o wacho-réxhem, ga ile bane bi o djawe ode éni gi o bashore Kaxhanu, bere rowe kene-bi.

—Jean 1:12

INÉ RÉKO KAXHANU ÉNDE O SHÉBOLE 15

Wouré-né gwer de be yékaxh goyate, ñawené gro xhouréle do go xhinére, gro begenane, gré tonyé, gro fawer do gro ante. Bari chounara-ino a Sedjale Jésus Krist, bete krone tefe-na énde bé mane béñ fir ébi neñganera o nyande o yiñenaxh on déwen.

—Romé 13:13, 14

Xhara aneka wasinayak o nayande onde é manéñ; meñ éxh, é déde same-same, a bouyare, é nexhénara, o nyonde ger be soxhari bere béla, o bandje, é chouser, é ñater, é géde go bale keme, é pawer, é chaper, ba chalé ba nyiñenaxh, é nyande éde ére

shote ko a shandawe, o xhinére, é kourél gré djamberane, do ge bén dédje bén dako. Ga ke moun félende ger gako, ger ga féle ba moun, mené béla bere ke rinde bén dédje bénde ako ani chote-na o woune onde Kaxhanu.

—Galate 5:19-21

Titinayine gern déwen, kréxhe tibe-na oñ koréwen ge né kourél éñoun é djamberane do go shébole, do gro chopa ode gra niyanañ

—Luke 21:34

Gayik a seme ke i ger leñgwe ire a Sedjal. Axho chébe-na iñgodje, wala ére ke xhinérinde kala, bete a ta keño i on Déno-Menekon lode gra chele ande nemé. —Luke 1:15

Jésus yaka kebi: ñane-lo Asedjale Kaxhanu ge dék émekwe é dédje, ge dék én djouweñ, ge dék an djelane. Edjo xhouchak ger édiane éde Kaxhanu.

—Matieu 22:37, 38

Asedjal a yékaxh, iné wa kemé ri mé chota-xhen a niyane ande pakech? Jésus ga réko: Iné cheñ kedjé wachende a yékaxh, ala bate foxh a yékaxh meñ éxh Kaxhanu. Ga nañge kedje louwa ire Kaxhanu: Kré djo déka-na a soxhare are ala; kré djo dawé-na ala; kro-dje déka-na; kro-dje negwesh-na; kré djo di-na ala o sembake; male énde sorixh bene

ge norixh. Na yaka keño: Asedjal dék béño aneka ri kemé lode gro soxh. Jésus ga nekone keño a ta ane keño, do réko Emate fo shane ki; djéle, éyi pane dék ére shote kedje, ilele-bi be xhayinaxhik, meñ ki shote o bege ore gro rene. Do éyi djowe édje tefe weno. Bari ga lile keño édiane élo a ta djé ko go xhoye, gayik bon shote baxho béyi bene. —Mark 10:17b-22

Awa édjoxh séde, mené Kaxhanu ga ile kebo a niyan ande pakech, do a niyan año gri toxh in déxhem gaxh. Are éxh gi Toxh, ga niyan éxho; are a géna gi Toxh axho géna ga niyanañ.

—1 Jean 5:11, 12

Kré ñoun nañeta-na; ano deshen-dena Kaxhanu Ere néde ko alane, béño fo ko xhana.

—Galate 6:7

Be toxh, kré ñoun ifa-na ala. Are ke rinde bén djékaxh a yékaxh éxh, ger ga xho meñ a yékaxh. Are ke rinde bén yiñenaxh are shabou-charaxh, gayik shabou-chara bén yiñenaxh ri ko lode gré nyanare.

—1 Jean 3:7, 8a

Ane nañgéna-ndé bere ke ifande ani dile-na gro rene ger Kaxhanu? Krone ifande-na gandéwenréwen. Wala bere ke ifande, wala bere o lashe, wala bere ke rékande be soxhari bere béla, wala be soshane

bere éxh gwer de be soxhari, wala be soshane bere anerek ge be soshane, wala be réke, wala bere o nyande o yiñenaxh wala be xhinérik, wala bere go siye o yiñenaxh wala bere ke ifande fir éni chote kodi, bene dék ani chotena o woun ore Kaxhanu.

—1 Koréntién 6:9, 10

Kré ñoun ifa-na alane gro djédjane o youwaxh, gayik fir béño ke djowende o xhoye ore Kaxhanu ger be toxh bende é ñepegenane.

—Efésién 5:6

Ande ko ila ala mené yéye éxho, xhara yowéyi axho géna, né dixhera xho gan déxhem.

—Galate 6:3

18 BÉN YIÑENAXH KE WELANDE GRÉ CHESSE

Meñ éxh, gayik ger ala bate lileke bén yiñenaxh greñ gwen, do bete nénde bén yiñenaxh a ta djowek é chesse, a ta djowek é chesse ger dék béla, gayik dék bere bén yiñenaxh foxh.

—Romé 5:12

Do ére ane ko, ande keño xhore, a ta ke inde é nyiñenaxh, do é nyiñenaxh ande ke fayera, gré chesse ke welande.

—Jake 1:15

Awa é ñane éde é manéñ, é chesse ke welande, xhara é ñane éde on dénoñ, meñ éxh a niyane do ga kété-xhéta; gayik é ñane éde é manéñ, é chouser éxh ge Kaxhanu, gayik a mande-na énde

louwa ire Kaxhanu bete a koren-dena deñ.

—Romé 8:6, 7

Do gako ban dowera bande fé kene rowende? Ba ban dowera bande de ñoun neñgane doró. Gayik é ñata éde béño, échesse gaxh.

—Romé 6:21

Bari ger bere kebi bokarende, do ge bere a maxhe-na, ge be yiñenaxh, ge be lawe bere béla, ge bere ke djénde ger be soxhari ber béla, ge bere ke ifande, ge bere o lashe, do ge bere ke negweshende dék, bébet irében ke i ger an djére ande xhodouxh inde ge beñ gaye ben yikaxh, meñ éxh é chesse é kineméñ.

—Apokalipse 21:8

Xhara ga wache keno Itohx inde Kaxhanu gron dén do gré menenaya, gayik aneka xhani baxho gré chesse. —Romé 1:4

Nande rébaxho ako, ga xhéye ko go niwe o seme; Lazare chanele. A ta shane ko a shessekan, o sapare do go taxhane ga shéri bani ge ban djem, do dexhasine ga labe bano gan djeme. Jésus ga réko: Petino eno tébe éxho djé.

—Jean 11:43, 44

Ga sekawe ko leke ko gréd lebi bano, a ta fere keni bere lebi bano. A ta réko: Shambéndjare, ga kemi félende éyi kani. Na yepa ko a shessekan, do ko édjanende.

—Luke 7:14, 15a

Faba bon ane ké, ga kemé ilayande a niyane an dame fir mé kana ga shexhé. Ala axhé kane-na, bari gan dame kemé ilayande; go djawe émé ire mé ilaya, bete go djawe émé ire mé kanande ga shexhé: Akoxh éndédje énde shote kemé ger Faba. —Jean 10:17, 18

Do ga beñgwan. Ga ibamé a shessek; bari nekode aneka i kemé a beñgwe din ire din. Ga lekaya kemé o chaboke, ire gré chesse, do bere gréd keni djénde bere ke shessende. —Apokalipse 1:18

Gayik a ta ko woun xhali nande keni i dék béla bere shouse keño gede gro sapare oréxhem.

—1 Koréntién 15:25

Asedjale, inde fé wa xhouchak é dafe ger louwa dék? Jésus yaka kebi: ñane-lo Asedjale Kaxhanu ge dék émekwe é dédje, ge dék én djouwéñ, ge dék an djelane. Edjo xhouchak ger édiane éde Kaxhanu. Bete a xhine-mañ ga wenderek ge meñ, ñanelo a shandawe ger ga ane kedje é man én dédje. Ere éxh yo, ger beki beño ke bakande. —Matieu 22:36-40

Jésus ga réko:... A Sedjal Kaxhanu irébi, meñ foxh a Sedjalan. Do mené: A ta kedjo ane a Sedjal arédje Kaxhanu, gé mekwe dék, gén djouwe dék, gan djelane dék, do go djawe dék. Bete idjoxh i kinemine: A ta kedjo ane

a shandawe ger ga anaya kedje wedji deñ. Louwa agéna inde xhouchak beño. —Mark 12:29-31

En dédje é kashaxh ke moun félende: ñanerine gan déwen réwen; ger ga ane ba moun, wene fana ñanerine gan déwen réwen.

—Jean 13:34

Ande kene xhwetaya édiane édame, a ta kene wouré gré ñane édame, ger ga wexheta ba mé bé bere féle baxhé Faba, bete kemé wourénde gré ñane édéxhem... meñ kene shote o neñga irame, bete meñ ke wene o neñga oréwen. Roxh édiane édame: ñanerine gan déwen réwen, ger ga ane ba moun. —Jean 15:10-12

Kaxhanu ire rike ébare do ge dék ére éxh polo, meñ gaxh a Sedjale are orene do gé bare, a xho wouré-na ger ba chiwe bande ri keni béla; axho kore-na éxho kana yéye gro taxhane ode béla, ger ga xheni bere shanek yéye, meñ kebo ilende bi dék a niyanañ, do on djenon ger dék ire béyi. Ga ri kebi béla dék, xhara o shate onde obate, keni wourénde gré bare, xhara aneka fentane ko ger ga ke shake a niyane ande alakala, do ge gréd ko wouré; ga yandi baño éno chala a Sedjalane, xhara éno tefe xhali éno wate, xhara Asedjalane axho ñawé-na gern débi. Gayik gern déxhem shote kemi a

niyanañ, kemi djéxherande, do kemi wourénde. Ado ako rébani béla beré-wen fana, mené: Neñge iréxhem ga mi. —Akete 17:24-28

Ala kore-na éxho nyafe gern déxhem, bari tebe foné ger bañ gesse ban déxhem, gern déxhem kemi yaka. —Ebre 4:13

Gayik yowéyi a géna inde shonake ire ani nañge-na béla, bete yowéyi agéna ire gede-gede ire ani nañge-na a kéye amate goyate. —Luke 8:17

Bete fana: A Sedjale aneka nañge ko ban djelan bande be sitik, ga nañge ko ode foush éxh. —1 Koréntiën 3:20

Itohx inde alane a ta kebi lawenéli o méléka éne bi dexhete bere ke ifarande ge be xhéyaxh. Do éne bi dape ger xhodouxh i khéyaxh gréd ke i o tésse do gé ñater éde ba nyeña.

—Matieu 13:41, 42

Xhara orenole do gé barél ga wexheta kebi ge édjanél xhali yatire ko shore ge xhodouxh, xhali yatire kiti, naño kebi nexhén béla be xhéyaxh.

—2 Piérre 3:7

E masha édében ke i é nexhéna éde pakech, chawe ger dexhasse ire a Sedjale, do gro neña ire o djawe odéxhem.

—2 Téssalonisién 1:9

Añgemené a taxhane wala saparine éxhi melande gré nyiñenaxh, kachale éyi dape chawe bon féchake éyi dile gra niyane xhara a séyik kré ni dape gé manén djékaxh ger xhodouxh.

—Matieu 18:8

Awa bedjo ger tora ire din keni djé, bari be yékaxh gra niyane ande pakech.

—Matieu 25:46

O xhoye onde Kaxhanu ke wasinayande gro rene ger dék bén yiñenaxh do gro xhéye do go sembake ode béla, bere ke xhwetayande énde daléñ mo chona, bere ke xhappende énde daléñ.

—Romé 1:18

Gayik a kéye xhwete ko na gréd kebi xhiti béla xhara go yékaxh. Gayik ga sana baño ala bate, éxho masinaya ger béla dék, meñ ga xhani baxho gré chesse.

—Akete 17:31

A Sedjalane a xhame-xhame ko é péxhen éde be yékaxh, bete kebi wexhetande be xhéyaxh xhali vatire kiti.

—2 Pierre 2:9

Akoxh, bete bi fana ako né greñ gwen, naño ke wenenayande é ñanél gern débi, meñ kené iyé gé kwetane yatire kiti.

—1 Jean 4:17

Gayik ga xhwetane kebi béla éni némi amate fo a ta éni ñatou ger kiti.

—Ebre 9:27

A ta wate kemeni be shessek, be seme ge be sile, bere fer baxh ger leñgwe ire a nyepara. A ta ferte keni ba kayita. Do a kayita amate ga ferte keni, meñ éxh a kayita ande a niyanañ. Na ga xhiti kenebi be shessek nénde ben dixheran ben dében, ger ga yegou bani gro kayita. —Apokalipse 20:12

Gayik bi dék ke féder ger kiti ire Krist, meñ keño washe alakala ger ga riko, bén djékaxh wala bén yiñenaxh bénde riko gré man éño.

—2 Koréntiën 5:10

Meñ éxh, ala-kala a ta ko yaka ger Kaxhanu ére ri baxho meñ.

—Romé 14:12

Bari ére welawe keni a gibana gwer de é ménera; gayik ańgemené fir é nyińenaxh énde a bate shesse keni béla bere bon, awa o yékaxh onde Kaxhanu xhouchak, xhara o yékaxh onde djowek nénde ala bate, meń éxh Jésus Krist, xhara ger béla bere mbań djowek.

—Romé 5:15

Do gako, a déxhe-na ba are yandi keńo, wala are ke erounde, bari Kaxhanu ke nańge are keńo xhayinane.

—Romé 9:16

Ga nańge kene o yékaxh onde a Sedjale Jésus Krist, are ri bano a xhayinaxhik nén déwen, ger ga bege baxho, meń kene bege fir o xhayin ondéxhem. —2 Koréńtién 8:9

Gayike Kaxhanu ga shouse kebi bere ke semenande, bari o yékaxh ke bi ilende bere ke ba-nande.

—1 Piérre 5:5b

Chekwane-ńoné Kaxhanu fir an djela an déxhem. —2 Koréńtién 9:15

Bari gréd yimbe baxh bén yińenaxh, na xhouchake é nyimbe o neńga onde é tébane. Meń éxh, gayik bén yińenaxh wourék gré chesse, meń ixhayak o neńga fir o yékaxh, nénde a niyane ande pakech, nénde Jésus Krist a Sedjale aréban. —Romé 5:20b, 21

Go djawe ore bon ébani sefetera be sefane bene énde é ougetane éde Jésus Krist a Sedjale. O neńga o seme i babi bene dék. —Akete 4:33

Ger ba mede bande o nañgereñh Kaxhanu ge fede ko bañ gesse bañ, bari ger gako ga kebi férende béla dék ébi chéna. —Akete 17:30

Bete-deñ, ga féle ke moun. Bari añgemené a ñoun chéna-de-na awa a ta kene némi wene fana. —Luke 13:3

Ga baxho rénde: Chéna-léñoun, gayik o woun onde orene né ñatou-éxh. —Matieu 3:2

A ta réko Pierre: Chéna-léñoun, bete alayala bouyi-léño gro wachore Jésus Krist, fir éñoun tébane bèn yiñenaxh béñ, do bete a ta kene shote on Déno-Menekoñ.

Chénale éñoun do, meñ kene féxh, a ta ke ñoun fexhwech bèn yiñenaxh béñ. —Akete 2:38; 3:19

Meñ, éxh o xhoye ode ger Kaxhanu ke welande gré chéna éde ger féxhanemé gréd a ginde-na é chéna; xhara é chéna éde neñ gwen ro gré chesse ke welande. —2 Koréntiën 7:10

An damate, ga ke moun férende gro rene, bon kebi neñganerande fir a yiñenaxh abate are keño shéna do éxho meka é tébane, a xhoucha dék be yékaxh ofexho choñgo naxh go choñgo naxh bende sébane kebi. —Luke 15:7

Ande ki bi sébane bere ki rinde bèn yiñenaxh, Sorixh gro rene a ta ki sébane fana. —Matieu 6:14

Jésus ande wate ko é kwetane édében ga féle keño a séyikane: Itoxi in dame, aneka sébane kemi bèn yiñenaxh bèn. —Mark 2:5

Nañgine be mayé mené (Jésus) ger adjo shote kene é tébane éde bèn yiñenaxh. Kaxhanu ga xhanine keño ge liwe iréxhem, éxho gi émoun do ga féxhenane, “meñ ke shote Israël é chéna do gé tébane éde bèn yiñenaxh.”

—Akete 13:38b; 5:31

Nekode aneka fere kemé gré betél do kemé xhemende. Añgemené ala woulek o niwe

orame, do éxho perte ébetél, a ta kemé lile gern déxhem, mé djambera ge meñ, do meñ ge weno. —Apokalipse 3:20

Do é chéna do gé tébane éde bèn yiñenaxh a ta keni sefete ger béia dék, ger beñ gwen dék, xhara ger Jérusalém keni yana. —Luke 24:47

Ande kemi ré mené ami géna ge bèn yiñenaxh gan débi kené ifandé, bete énde dale a boxhe-na gern débi. Ande kedjo foutaya bèn yiñenaxh bèn, a ta ko ri én djékaxh, éxhi tébane bete éxhi menenaya bèn yiñenaxh dék. Ande ki ré mené lode ayi déxhe-na én yiñenaxh, aneka ri kedjo are é negwesh. —1 Jean 1:8-10a

Gayik o yékaxh onde Kaxhanu ire ke xhore ébi péxhen dék béla, aneka wasinayak. Ga kebo sedjalinde mi tébe bèn yiñenaxh do go nyande ode neñ gwen ro, do mi wourénde ger ba kéye bandé-bi go sitole, go yékaxh grénde Kaxhanu.

—Tite 2:11, 12

Ñanine bèn dédje bende djañ, éne tébe bende gré bare ro.

—Kolosién 3:2

Bete krone mande-na énde ben dixherane bende a chamedan, bari chousine.

—Efésién 5:11

Kro ñane-na iñgwenine, wala bé bere éxh greñ gwen. Are anak iñgwenine, é ñane éde Faba a boxhe-na gern déxhem; gayik

éréxh greñ gwen, o nyande ode émanéñ, go nyande o yiñenaxh ode bañ gesse bete gé temenane éde a niyanañ, a kaninde-na ger Kaxhanu bari greñ gwen xhanike.

—1 Jean 2:15, 16

Be rék gan. Ane nañgéna-ndé mené é ñane éde neñ gwen ro é chouser éxh ge Kaxhanu? Are yandi keño bé bere neñ gwen ro aneka shouse keño Kaxhanu.

—Jake 4:4

Krone bara-na ge bere agéna amate, na texh ande be liyér. Gayik aké wenderek bèn djékaxh ge bèn yiñenaxh? Bete aké wenderek a chamedan gañ gebénañ?

—2 Koréntién 6:14

Añgemené aneka nañge kene mené are kwér-kwér éxh, nañgine mené are ke sefe én déxhem ger bèn djékaxh awa meñ rowe keño. Ga nañge kemi mené are a dinda-na bèn yiñenaxh, Kaxhanu rowe keño, gayik are rowe keño Kaxhanu ayé ko wexhetayande, kré ño deke-na shabouchara.

—1 Jean 2:29; 5:18

Añgemené ala ger Krist éxho, aneka iko a niyan añ gashaxh. Bé bere aneka fo, aneka xhouchake, bete nekode béyi bene dék aneka nembetak o xhashaxh.

—2 Korétién 5:17

Jésus yaka keño: Génde dale génde dale kemi félande,

añgemené alane, a no dowéna ga shexhé a xho korena éxho wate o woune onde Kaxhanu. —Jean 3:3

Bari aneka nébe koun, bari aneka fite koun, bari aneka wenen koun gro wachore a Sedjale Jésus Krist do gon Dénonde Kaxhanu.

—1 Korétién 6:11b

Gayike ga neñgwete ke ñoun, agéna ba gé néda i yiñenaxh bari i wenek, meñ éxh édjan éde Kaxhanu i beñgwe, ire a kouchandenana din.

—1 Pierre 1:23

Awa édjoxh sédé, mené Kaxhanu ga ile kebo a niyan ande pakech, do a niyan año gri toxh in déxhem gaxh.

—1 Jean 5:11

A SHESSEK GER BÉN YIÑENAXH A BEÑGWE 29 GER KRIST

Ga ibane be shessek fir be wénerane do ge bén yiñenaxh. Xhanine kebo an damate, bete ri kebo mi nyepa an damate ger bén dédje bénde orene ger Jésus Krist.

—Efésién 2:1 do 6

Meñ are lebi baxh bén yiñenaxh bén débi gra texh, mẽn ke shesse bén yiñenaxh-bẽn bete mi wouré ger bén djékaxh; ger ba chéwén ban déxhem kemi fakende.

—1 Pierre 2:24

Añgemené aneka ougeta kene ge Krist, tefine bén dédje bénde djañ, gréd youwa ko Krist gand liwe ire Kaxhanu. Ñanine bén

dédje bénde djañ, éne tébe bénde gré bare ro. Gayik aneka shesse kene, do a niyane andéwen aneka shone keni ge Krist ger Kaxhanu.

—Kolosién 3:1-3

Béla bere éxh ger Jésus Krist aneka fika keni émanéñ, do gó nyande ode éman. Añgemené gon Dénoñ wouré kené, tefené fana énde on Dénoñ. —Galate 5:24, 25

Khali deñ. Bi bere néminek bén yiñenaxh bén débi, aké kemi baka bete ger bén yiñenaxh? Awa wené fana, giyine gwer de be shessek nénde bén yiñenaxh, bete éne wouré nénde Kaxhanu ger Jésus Krist. —Romé 6:2 do 11

Are ke néderande fir é manéñ, a ta ko xhana gré manéñ bèn dédje bé nyiñenaxh; bari are ke nédende fir on Dénoñ, a ta ko xhana gron Dénoñ a niyane ande pakech.

—Galate 6:8

Do ger ga yenene baxho Moise an denañ gra chaxhisse, awa ako fana keno yenene Itohx inde alane, are ke wa én déxhem éxho chote a niyan ande pakech.

—Jean 3:14, 15

Are ke wa énde Itohxine, aneka shote ko a niyan ande pakech; are a maxhena énde Itohx a xho wate-na din a niyan, bari o xhoye onde Kaxhanu gern déxhem éxh.

—Jean 3:36

Awa édjo gaxh a niyane ande pakech, mené éni nañge, wedji Kaxhanu ibate i beñgwe, do gare lawnéli kedjo Jésus Krist.

—Jean 17:3

Gayik a kandji ande bèn yiñenaxh béñ, é chesse éxh; bari an djela ande ile kebo Kaxhanu meñ éxh a niyane ande pakech ger Jésus Krist a Sedjale aréban.

—Romé 6:23

Ende dale énde dale ke moun félende, are ke baxhete édjane édame, do éxho ma grénde are lawnéliwe ké, aneka iko ga niyane ande pakech, bete ano kiti-na din, bari a ta ko xhoucha gré chesse éxho ñate gra niyan.

—Jean 5:24

E NAÑGE ÉDE FÉXHANEMÉ

31

On Dénon-déxhem ke rinde sédé gron dénondébi, mené aneka i kemi o bashore Kaxhanu.

—Romé 8:16

Awa édjoxh sédé, mené Kaxhanu ga ile kebo a niyan ande pakech, do a niyan año gri toxh in déxhem gaxh. Are éxh gi Toxh, ga niyan éxho; are a géna gi Toxh axho géna ga niyanañ. Béño yegwen ba moun, fir éne nañge ga niyan ande pakech gan, wene bere ilake gro wachore Itoxh inde Kaxhanu.

—1 Jean 5:11-13

Are shoteke édjane édame, do éxho kwetaya, adjo ane ké; beté

are ane ké, a ta keño ane Faba, a ta kemo ane, bete a ta kemé wasinaya gern déxhem.

—Jean 14:21

Do gayik aneka i kene be toxh, Kaxhanu ga lawenéli ko groñ koré-bi, on Dénonde Itoxh in déxhem, ire ke wachende Faba Faba.

—Galate 4:6

Ande kemi nañge mené gern débi gaxho, bete gern déxhem émi, aneka ile kebo on Dénon-déxhem.

—1 Jean 4:13

And kemi sefe édjane édéxhem, néño kemi nañge mené aneka nañge kedjo.

—1 Jean 2:3

Do ger gako né djélé-mé gern dédje, bete béño kemé sefetende greñ gwen, meñ keni shote bene fana o neñga orame i wenek.

—Jean 17:13

Bari ande ke né wateré beté, oñ koréwen gro neñga ke i, bete ala a ñoun kane-na oneñga olo.

—Jean 16:22b

Gayik o woune ore Kaxhanu agéna ba é djambe-djambe, wala é chébe-shébe, bari bén djékaxh do ga kéte xhéta, do ga neñgayine, nénde on Déno-Menekoñ.

—Romé 14:17

Aneka lawe bané ge Krist, do ande kemé wouré, a boxhe-na weno are wourék, bari Krist ke

wourénde gern dame; añgemené gré manéñ wouré kemé, né wouré mé gré kwetane inde ger Itohx inde Kaxhanu, are ane baxhé do ilaya ko fañgi-rame. —Galate 2:20

Ga féle ba moun béño, meñ kene shote o neñga irame, bete meñ ke wene o neñga oréwen. —Jean 15:11

Meñ are ane keno xhara a no waténa, bete wa kene xhara ano wate bana, bari ke ñoune neñgan-erande go neñga i seme.

—1 Piérre 1:8

Bete agéna éño fo, bari bon kemo shekwande Kaxhanu fir Asedjale Jésus Krist, gayik gern déxhem shote kemi a két-xhéta.

—Romé 5:11

Ane nañgé-nandé mené ande kedje ilaya é manén dédje ger ala éxhi kore, aneka i kedje a xhadépe ger are kedjo wande? Wala énde bén yiñenaxh ire ke welande gré chesse, wala gré ma éde ke welande ger bén djékaxh.

—Romé 6:16

Do éñoun ile wene bere ke sorande, é téyita ge bi, ande ko bakawe a Sedjalan go méléka ode o djawe odéxhem, merexhande ire xhodouxh, fir ébi masha bere ano nañgéna Kaxhanu, do ge bere a tefendena édiane éde a Sedjal arébi Jésus. E masha édében ke i é nexhéna éde pakech, chawe ger dexhasse ire a Sedjale, do gro

neñga ire o djawe odéxhem.

—2 Téssalonisién 1:7-9

Agéna ba bere ke baxhetende énde louwa ke i be yékaxh ger leñgwe ire Kaxhanu, bari bere ke sefe ére woule keni bedjoxh bere ke i be yékaxh.

—Romé 2:13

Go neñga xheni bere ke nébe ban djem ban dében, meñ keni xhore éni tekawe gra texh ande a nyanañ, do éxho dile gré bete éde añ gollañ.

—Apokalipse 22:14

Gayike aneka antouke a mede ande ke yana kiti ire a chiwe ande Kaxhanu, do ande ke yana gern débi, aké ke i é ñata éde bere a maxhena énde édiane édéxheme?

—1 Piérre 4:17

A ta o niwe dék ke foutaya mené Jésus Krist deñ éxh a Sedjalane, fir o neñga ore Kaxhanu seme. —Fillipién 2:11

Meñ éxh are ke sefete én dame ger béla, weno a ta kemé sefete én déxhem ger Faba ire éxh gro rene. Bari are ke ré axhé nañgéna ger béla, weno fana a mo nañgéna ger Faba gro rene. —Matieu 10:32, 33

Are ke mbetende énde Krist axho géna are ger Kaxhanu, are ke wande énde Krist aneka iko are Kaxhanu. —1 Jean 2:23

Ande kedje foutaya gé tiye é dédje a Sedjale Jésus, do ande ki wa gré mekwe é dédje mené Kaxhanu aneka xhanine keño gré

chesse, a ta ki féxh. Gayik ande ki wa gré mekwe, a ta ki shote o yékaxh, do ande ki foutaya gé tiyé a ta ki shote féxhanémé, ger ga rédjake gro nyegwe.

—Romé 10:9, 10

Gayik are keño shefenane én dame wala énde édiane édame, Itoxh inde alane a ta keño shefenane én déxhem fana ande ko djowe gro neñga oréxhem do gonde Seme do gonde o méléka wenek. —Luke 9:26

Nañgine édjoxh on dénonde Kaxhanu, on Dénonde wake mené Jésus Krist djowe baxh gé manéñ, édjo gaxh on Dénonde Kaxhanu. —1 Jean 4:2

Kré ñoun kinéri na, bari nekonayine. Are shouse ke ñoun, shabouchara, né djéxhera xho gañge irañine kebi shalande bere kebi djambe. —1 Piérre 5:8

Ala djo ke djowe go djawe onde Shabou-chara ge bañ gamena bande bon, gé masinaya éde éxh é negwesh. —2 Téssalonisién 2:9

Meñ ki bi ferten bañ gesse bañ, meñ keni shane gra chamedan éni gi grañ gebénañ, bete éni chane gro djawe onde shabou-chara éni gi ger Kaxhanu, meñ keni shote é kwetane gern dame do meni tébane bén nyiñenaxh, do ga

niyane an djékaxh ger be wenek. —Akete 26:18

Naño wéde keño on Dénoñ Jésus wela keño gra chaxhisse, fir éño ifa shabou chara. Jésus féle keño: Dexhetale Satan. Gayik ga yegwe keni: Asedjale Kaxhanu fo kedjo louwa, bete meñ fo kedjo sefe. A ta sébe keño shabou-chara. Bete a ta djowe keni o méléka éno decha Jésus. —Matieu 4:1 do 10, 11

Bénde bayik, kémenaine gra Sedjale, go djawe on déxhem dék. Chounarayine dék ba kakaxhen bande Kaxhanu, meñ kene xhore éne kaka dék ben djifarane bende shabou-chara. —Efésién 6:10, 11

36 É KORE—XHORE ÉDE SHABOU CHARA

Meñ éxh, ga ikeni o bashole bébete ire é manéñ go shatoñ, meñ fana na iko, meñ ko xhore nénde é chesse éxho nexhén o djawe onde é chesse, are éxh shabou chara.

—Ebre 2:14

Are ke rinde bén yiñenaxh are shabou-charaxh, gayik shabou-chara bén yiñenaxh ri ko lode gré nyanare. Itoxh inde Kaxhanu ga djowe baxho éxho nexhén ére riko shabou-chara.

—1 Jean 3:8

No-wa kebo rexhete gré ñane éde Krist? Ba o chopa-ndé, ba tora, ba on dixherane, ba én djoñ, ba é géde tebe, ba o chende, ba a chasse? Bari ger dék bén dédje

béño aneka i kemi be xhore-kore, anebo koré-na gayik aneka ane kebo meñ.

—Romé 8:35 do 37

Maine do énde Kaxhanu, tébine énde shabou-chara, meñ ko awe gern déwen. Tekalo Kaxhanu, a ta ko sekali gern dédje.

—Jake 4:7, 8a

Naño ko wasinaya a xhéyaxhan, a ta keño nexhén a Sedjal arébi Jésus, gon djenoñ fo ire gré tiye, bete gañ gebén ande o bakanon déxhem. Ala djo ke djowe go djawe onde Shabou-chara ge bañ gamena bande bon, gé masinaya éde éxh é negwesh.

—2 Téssalonisién 2:8

EÑANÉL KEBI WASINDE BE SEFANE

37

Ande kemé édjane go djédjane onde béla do gode o méléka, aṅgemené a mé géna gé ñanél, aneka i kemé gwer de an doune ande ko woulinde, wala a chémbe ande feme keni. —1 Koréntiën 13:1

Bari ban dowera bande on Dénoñ, meñ éxh; éñanél, ga neṅgayine, ga kéte-xhéta, gé chenél go yékaxh, ge you-youwa, gé melaya éde éman én dédje; louwa a chousé-na bén dédje béño. —Galate 5:22, 23

Weka keño ga shexhén: Simon itoxh inde Jonas, a ane ndé ane kedjé? Piérre yaka ko: éyo

Asedjale, ga naṅge kedje ger ga ane kemi. Jésus réko: Kadachelebi oyéle orame. —Jean 21:16

Aṅgemené mo ñane ane kené, di-ine ére ke moun félende. —Jean 14:15

Ga naṅge kené mené aneka xhoucha kené gré chesse antou kené gra niyan be mayé. Are a ñanen dena, gré chesse bayi ko. Are ke ré: Weno ane keño Kaxhanu, do éño chouse a shandawe, are é negwesh éxh; gayik are shouse keño i mayé inde keño watende, aké keño ane Kaxhanu ire año waten-dena? —1 Jean 3:14; 4:20

Bi éxh o sédé ire dék bèn dédje bénde ri ko gré bare éde be Juif do ger Jérusalém. Awa na lawe keno ga xhawe keno gra texh. Kaxhanu ga xhanine keño a ta wa ko éxho masinaya, agéna ba ger béla dék, bari ger béla bere sana babi Kaxhanu lode gré nyanare, xhara bi bere djamberak do shéberak ge meñ-ak, ande xhani ko gré chesse.

—Akete 10:39-41

Jésus ga xhani baxho yatire yanare ire loxho, geber, a ta wate keño Marie ire Magadala péré, gern déxhem waye babi o shabou-chara o choñgo ki. —Mark 16:9

Ande xhoucha baxh ba kéye ban djoñ-geba tasse na bani ga shexhé ge Jésus gri chiwe, bete Tomas na baxho. Jésus ga djowe ko, xhara ga fera bani é betél, ga fere ko merexhande gern dében, bete réko: Gilé-ñoun a kéte-xhéta. A ta Féle keño Tomas: Melawe ro i nyetine, éyi nekone o taxhane o dame; bete melawe a taxhane éyi dene gram bebe; kro ñembete-na bari male. Tomas ga réko: Asedjale arame, Kaxhanu i rame. Jésus féla keño. —Jean 20:26-28

Are wela bano fir bèn yiñenaxh bèn débi, do bete xhani ko fir é menenaya édé bi. —Romé 4:25

Kré ñoun charane-na béño, gayike a mede ke djowende na ande keni woule dék bere gro yége o niwe oréxhem do éni chane. Bere ri baxh o yékaxh a ta keni xhane gra niyanañ, bari bere ri baxh bén yiñenaxh a ta keni xhane ger kiti.

—Jean 5:25 do 28, 29

Ba ane nañgé-na mené ande bouyi bane-bo ger Jésus Krist, gré chesse édéxhem ga bouyi bane-bo? Aneka ouge bane-bo ge meñ, ger xho-bouyi ire é chesse iréxhem, meñ éxh, ger ga xhani baxho Krist gré chesse go neñga ore seme, meñ kemi xhore mi wouré ga niyane añ gashaxh. An

damate, añgemené aneka i kemi gwer de é néda énde ouge kene-bo an damate ge meñ, gré chesse é déxhem, an damate ke mi i ande kemi xhani gré chesse.—Romé 6:3-5

Do añgemené Krist gern déwen éxho, é manéñ aneka shessek fir bén yiñenaxh, bari on dénoñ ga niyane éxh fir bén djékaxh. Do añgemené on Dénonde are xhanine baño Jésus gré chesse gern déwen ke wourénde, awa are xhanine baño Krist gré chesse a ta ko washe a niyane ger bé mane bénde ke shessende bén déwen, nénde on Dénonde ke wourénde gern déwen. —Romé 8:10, 11

Meñ éxh ande kebo rexhete gro taxhan ode béla bere shouse kebo, mo tefende gan djiye keme Mi wourénde ger leñgwe iréxhem be wenek do ger bén djékaxh, dék ba kéye bande a niyane an débi.

—Luke 1:74, 75

Pexhwecherané dék a bouyare ire gré manéñ do gron dénoñ, meñ kené iyé be wenek, bere fite kebi gran djida ande Kaxhanu.

—2 Koréntiën 7:1b

Weno a bouyi ke moun bouyinde ge ménoñ, fir éñoun chéna ger bén yiñenaxh bén déwen, bari are ke bete gern dame, meñ xhoucha ké o djawe bete a mé kore-na deñ mé péda ba péde ban

déxhem, meñ a bouyi ke ñoun bouyi gon Déno Menekoñ do ge xhodouxh.

—Matieu 3:11

Do ger bere sana kenebi nénde o nañgerane ode Kaxhanu Seme, gré pitenderél ode on Déno Menekoñ meñ keni iye bere sefeke bete bere nébe kenebi go shate ore Jésus Krist.

—1 Pierre 1:2a

Añgemené ala ixhayak a wenek, xhara béño séba ko, a ta ko inde a chémbe a menek, ire pite, ire ko ligéxhende a xhwenane ban diyén ban djékaxh.

—2 Timotée 2:21

Bari gayike are wache ke ñoun a weneke éxh, wene fana giyine be wenek ger bene dixherane bene déwen.

—1 Pierre 1:15

Meñ éxh, Jésus fana, fir ébi menen béla go shate oréxhem, ga sora baxho fach grañ golle.

—Ebre 13:12

Gern déxhem Kaxhanu ga sana babo lode gré nyanare éde iñgwen, meñ kemi i be wenek ga bouyare keme ger leñgwe iréxhem. Chounarayino ala xhashaxh, are ri keño Kaxhanu, ger bén djékaxh, i wenek inde dale. —Efésién 1:4; 4:24

Ande kedjo foutaya bén yiñenaxh béñ, a ta ko ri én djékaxh, éxhi tébane bete éxhi menenaya bén yiñenaxh dék.

—1 Jean 1:9

Do añgemené dék béño a yége ke yége, béla bere aké wa i done

wene bere ke wourénde goñ ko-wenek do génde Kaxhanu.

—2 Piérre 3:11

Chalayine a kéte-xhéta ger dék béla, do gé menenaya pite, are a géna ge béño año watena aSedjalane.

—Ebre 12:14

Chounarayino ala xhashaxh, are ri keño Kaxhanu, ger bén djékaxh, i wenek inde dale.

—Efésién 4:24

Bari ger gako, aneka rexhete koun ger bén yiñenaxh, aneka i kene o xhadep onde Kaxhanu, aneka shote kene ban dowera bande é menenaya, do gré ñata a niyane ande pakech. —Romé 6:22

Gayik ala yékaxh ébaxh, are gon Déno-menekoñ gé kwetane.

—Akete 11:24a

Khara be sefane bene ga yime bani go neñga do gon Déno-menekoñ.

—Akete 13:52

Bari Etiéne ga ibaxho gon Déno-menekoñ ga nekona ko gande orene, a ta wate ko o neñga ore Kaxhanu do Jésus ga fere ko ger liwe ire Kaxhanu. —Akete 7:55

Do ger gane be xhéyaxh bari ga xhame kene é ile éde bén djékaxh ger be toxh ben-déwen, a xhoucha éño gaxho Sorixh gro rene a ta kebi ile on Déno-Menekoñ bere keño xharande. —Luke 11:13

Ande shalé keni a ta yanak gréd féder bani éxhe yiñgena; ga yime babi dék gon Déno-menek a ta sefetera keni édjane éde Kaxhanu gé kwetane. —Akete 4:31

En déwen, ane wouré-xhena nénde é manéñ, bari nénde on dénoñ, añgemené on Dénonde Kaxhanu gern déwen ke wourénde. Añgemené ala axho géna gon dénonde Krist, awa axho géna aréxhem. —Romé 8:9

Bari a ta kene shote o djawe, on Déno-menekof ke djowe gern déwen, bete a ta kene i o séde o rame. —Akete 1:8a

Jésus ga réko: Añgemené a xhore kemé xhore? Dék mo kore éxh ger are ke wande

—Mark 9:23

Be mayé, kré ñoun sharane na tora ire ke djowe gern déwen, añge-dé ane nañge bana ére ke djowe, fir éñoun tedji. Neñganeral éñoun gayike aneka xhore kene éne tedji ger ga sora baxho Krist, meñ kene i go neñga ande ke antou o neñga oréxheme.

—1 Pierre 4:12, 13

A ta ko fexhwech oñ gwen dék ger bañ gesse ban dében, bete é chessél a gi-na din, bete o téssoke a gi-na, wala o kéyirane, wala a djambenine, gayik bén dédje bé

nyanare aneka xhouchak.

—Apokalipse 21:4

Chalale péré o woun ore Kaxhanu do go yékaxh, bete dék béño ke ñoun bashe. —Matieu 6:33

Bete nekode ge weno kené iyé xhali gré ñata éde iñgwenine.

—Matieu 28:20b

Kémenayine ande ke ñoun xhéxhende, gwer de be toxh keñoun rinde Kaxhanu; gayik itoxh inde fé bayik año kéxhe-na seme?

—Ebre 12:7

Meñ shote kemi ére féle babo aneka fo, shote kemi a niyan añ gashaxh, bete shane kemi gro yiñenaxh ode neñ gwen ro.

—2 Pierre 1:4

44 É KWETANE GER BERE KENEBI IFANDE

Gayik aneka sedji bano meñ ger tora iréxhem a ta ko xhore ébi dechande bere kenebi ifande.

—Ebre 2:18

Kaxhanu ire a kéte-xhéta, a ta keño nete shabou-chara gro sapare oréwen.

—Romé 16:20a

Ga nañge kemi mené, dék ire béyi ke antande go yékaxh, fir bere ane keno Kaxhanu, do bere wache kenebi nénde o bale oréxhem.

—Romé 8:28

An djifa agéna gern déwen inde ani nañgéna béla, bete Kaxhanu ire a bo tében-dena, a ñoun tébe-na gran djifa, añgemené ane géna go

djawe onde éne koraxhen; bari gan djifa kala a ta ko ri fana bébete gréd kene xhore éne chana, meñ kene xhora-xhen.

—1 Koréntiën 10:13

Ga neñga xho are xhorek é tedjirane, gayik ande ko xhore a ta ko shote é kamoté éde a niyan, ire keño ile a Sedjalan are ane keño.

—Jake 1:12

Gayik a leñgwe arébi axho tekwané-na é decha édébi gréde kemi sekwanende; bari aneka sedji bano ger dék béño gwer de bi xhara axho di bana é nyiñenaxh.

—Ebre 4:15

Are ke xhore, a ta kemo ri éxho nyepa ge weno gra nyepara ande o woun orame, ger ga xhore kemé weno do youwa kemé gra nyepara ande Faba irame ge meñ-ake.

—Apokalipse 3:21

Are ke xhore, a ta kemo ri i kechare ire gra chiwe ande chalé ire Kaxhanu, bete axho chane-na din; a ta kemé yegwe gern déxhem o wachore Kaxhanu irame, do go wachore añ golle ande Kaxhanu irame, ire Jérusalém i xhashaxh ire ke fédawe gro rene ger Kaxhanu irame, do go wachoxhashaxh orame. —Apokalipse 3:12

Are ke xhore kala, meñ fana

a ta keno shoude ban djem ba péshaxh; a mé dexhete-na o wacho-réxhem gra kayita ande a niyane, bete a ta kemé sefete o wacho-réxhem ger leñgwe ire Faba irame do gro méléka odéxhem. —Apokalipse 3:5

Are ke xhore a ta ko shote dék béño; a ta kemé i Kaxhanu iréxhem bete a ta ko i itoxh in dame. —Apokalipse 21:7

Are éxh ge ba nefe bañ, baxhetel éxho ére ko rédjande on Dénoñ gro église: Are ke xhore, a ta kemo ile éxho djambe gra texh an a niyanañ, inde éxh gro rene ger Kaxhanu. —Apokalipse 2:7

46 KAXHANU KEBO FÉLENDE ÉNDE É CHAPER

Ger bere yerek ga ke meni félende, agéna weno bari Kaxhanu, a soxhari kré ni chaper-na ga soshane, aŋgemené éni chaper, kré xho nyere-na beté aŋgemené agéna gra soshane baka ko. Bete a soshane kré ño ñwaye-na a soxharane.

—1 Koréntiën 7:10, 11

An damate ga soxhari are yere keno, a xhape fo xhape keño gra soshane aŋgemené a beŋgwe bayik. Bari ande ko shesse a soshanañ awa aneka fete keño louwa ire xhape baño gré nyere. Do gako, xhara a soshanañ i beŋgwe bayik, do éño nyere a shexhé, aneka iko a yiñenaxh; bari

ande ko shesse a soshane, aneka sébe keño louwa, xhara ado éño nyere a shexhé axho géna a yiñenaxh. —Romé 7:2, 3

Are keño waye a soxhari aréxhem do éño nyer a shexhé, aneka riko é nyiñenaxh, do bete are keño yere a soxhari are waye keño a soshane aréxhem, aneka riko é nyiñenaxh. —Luke 16:18

Bari weno ke moun félende, are ke shaper ga soxhari, aŋgemené agéna fir ga ko djéxherande ger béla, aneka de rine kedjo gré nyiñenaxh, gayik are keño yere aneka ri kedjo a rék are be soxhari. —Matieu 5:32

JESUS KRIST A TA KO BAKAWE GRÉ BARE 47

Do, nandé kemé djé, moun dine ba chiwe, a ta kemé bakawe, moun mela gern dame, meñ kene xhore éne gi gréd émé fana. —Jean 14:3

Go-go kemé djéli. Dekayale ére shote kedje, kré xhi kane-na ala, é kamoté éde o woun orédje. —Apokalipse 3:11

Do marke ire Itohx inde alane a ta ké i gro rene, beté dék beñ gwen bende ébare a ta keni sésse, beté a ta keno wate Itohx inde alane ga ko djowende ger ba ñare, go djawe o teme do go neñga. —Matieu 24:30

Gayik alakala are keño shefenane én dame wala énde édiane édame, merexhande ger

iñgwen i nyiñenaxh iño, Itohx inde alane a ta keño shefenande én déxhem, ande ko bakawe gro neñga ore Seme ge be méléka be wenek. —Mark 8:38

Wene fana chenine, kémenine oñ koñ, gayik dame éxh nande ko antou a Sedjalane. —Jake 5:8

Gayik ger ga ke djénde é biñgara gra pene é nyane xhali gra chela nyane, ako ko djowe Itohx inde alane. —Matieu 24:27

Mi cheninde é kwetane é neñgaxh édébi, é masinaya éde bén djékaxh bénde Kaxhanu i seme irébi, do énde a féxhen arébi Jésus Krist. —Tite 2:13

48 ÉDJANE ÉDE KAXHANU

Gayike a géna go bale ore béla keni sefetende bari on Déno-Menekoñ kebi niyalinde éni tefete bélabene o bale ode Kaxhanu.

—2 Pierre 1:21

O nyegwe dék ga ilane babi Kaxhanu, bete yék éyi bi tedjalinde, énebi korende, énebi kéxhende, énebi tedjande énde bèn djékaxh.

—2 Timotée 3:16

Gayik édjane éde Kaxhanu i beñgwe éxh do i yékaxh, ga añkeke gwer de a chasse ande añkek o bébete oki, ke xhweshende xhali nande ke fitender én djouwéñ gon dénoñ, a chapare ge yansse, ga ke sedjinde ban djelane bande gré mekwe.

—Ebre 4:12

CHALÉLE DO TÉBANDERNÉ

Awa ako done shalénde: Faba irébi ire éxh gro rene, o wachore rédje giléxh pite, djowelexh o woun orédje, giléxh o bale o rédje gré bare ro ger gaxh gro rene. Ile-lebo kéyo-kéye édjambe éde yatidjo. Tébanelebo bèn yiñenaxh béñ, ger ga ke meni sébanende bere ké rinde bèn yiñenaxh. Kréi bo mela na gré infarane, bari dexhetele bo ger bèn yiñenaxh, gayik wedji xhwenek o woun go djawe do gé chekwa, din ire din, Amén. Ande ki bi sébane bere ki rinde bèn yiñenaxh, Sorixh gro rene a ta ki sébane fana.

—Matieu 6:9-14

A Féxhenane shane kemo.

Gayik dék bere bèn yiñenaxh foxh, meñ shane keni o neñga ore Kaxhanu. —Rome 3:23

Bete-deñ, ga féle ke moun. Bari añgemené a ñoun chénande-na awa a ta kene némi wene fana.

—Luke 13:13

Krist némi-ko firame.

Krist meñ ga sora baxho amate fir bèn yiñenaxh, meñ a yékaxh fir be xhéyaxh, meñ kebo antél ger Kaxhanu. —1 Piérre 3:18a

Ger bényiñgenaxh bèn dame kemé shéna.

Chénale éñoun do, meñ kene féxh, a ta ke ñoun fexhwech bèn yiñenaxh bèn yiñenaxh béñ.

—Akete 3:19

Ger ga yegwe bani: A yékaxh agéna, ado gé matake.—Romé 3:10

A Fo mo ma Jesus gé kwetane.

Bari ger béla bere wake én déxhem, ger bare ilake énde ó wachoréxhem, ga ile bane bi o djawe ode éni gi o bashore Kaxhanu, bere rowe kene-bi. —Jean 1:12

Aneka nañge kemé Fexhanemé irame

Are éxh gi Toxh, ga niyan éxho.

—1 Jean 5:12a

Ende dale énde dale ke moun félende, are ke baxhete édiane édame, do éxho ma grénde are lawnéliwe ké, aneka iko ga niyane ande pakech, bete ano kiti-na din, bari a ta ko xhoucha gré chesse éxho ñate gra niyan. —Jean 5:24

If you would like more copies for careful distribution, please write in English to:

Guinea

Gambia

Senegal

252 Bassari HFA